



Broj: 0101-229-1/26
Sarajevo, 22. 1. 2026. godine

SKUPŠTINA KANTONA SARAJEVO
Predsjedavajući Skupštine Kantona Sarajevo
n/r gdina. Elvedina Okerića

MINISTARSTVO ZA NAUKU, VISOKO OBRAZOVANJE I MLADE
N/R: ministrice, prof. dr. Dušanke Bošković

PREDMET: Odgovor na zastupničku inicijativu, Veza Vaš akt broj: 01-04-58637-24/25 od dana 31.12.2025. godine

Postupajući po Vašem aktu broj: 01-04-58637-24/25 od 31.12.2025. godine, kojim je Univerzitetu u Sarajevu dostavljena zastupnička inicijativa zastupnice Mersihe Mehmedagić (u daljem tekstu: Inicijativa), a koja se odnosi na razmatranje izmjene odredbi Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, u nastavku dajemo informacije i pojašnjenja u pogledu važećeg normativnog rješenja na koje se Inicijativa odnosi.


Cijenimo nastojanje da se kroz Inicijativu razmotre mjere koje bi mogle doprinijeti olakšavanju završetka studija, naročito u situacijama kada studenti obnavljaju godinu ili prenose nepoloženi ispit. Istovremeno, potrebno je naglasiti da je važeće normativno rješenje o vremenskom trajanju priznavanja ostvarenih poena i uredno izvršenih obaveza već utvrđeno Statutom Univerziteta, kao temeljnim općim aktom, kao i Pravilima studiranja. Naime, Statut Univerziteta u Sarajevu članom 189. (Prelazak u narednu studijsku godinu) propisuje da se studentu koji obnavlja godinu, odnosno koji je prenio ispit u narednu studijsku godinu, priznaju ostvareni bodovi i uredno izvršene obaveze u trajanju od jedne akademske godine. Istovjetno rješenje sadrže i Pravila studiranja.

Primarna svrha važećeg rješenja o vremenskom priznavanju ostvarenih bodova i uredno izvršenih obaveza jeste da studenta jasno usmjeri i motiviše da preuzete obaveze okonča u razumnom roku, odnosno da studiranje bude kontinuiran i pravovremen proces, a ne aktivnost koja se neodređeno odgađa. Takvo normiranje ima i pedagošku i organizacijsku funkciju: podstiče redovnost i disciplinu u izvršavanju obaveza, doprinosi skraćanju prosječnog trajanja studija te omogućava kvalitetnije planiranje nastavnih aktivnosti i kapaciteta.

Dodatno, važno je istaći da Pravila studiranja već sadrže mehanizme koji u značajnoj mjeri adresiraju praktične situacije na koje Inicijativa ukazuje. Primjer, ako student u toku akademske godine izvrši sve obaveze izuzev položenog završnog ispita, nije obavezan ponovo prisustvovati nastavi iz tog predmeta u narednoj akademskoj godini; za apsolvente i apsolvente ponovce, Pravilima je utvrđeno da se priznaju položeni dijelovi ispita/ostvareni poeni do završetka studija, te da studenti u navedenim statusima imaju pravo završiti studij po nastavnom planu i programu po kojem su upisani.

Imajući u vidu navedeno, smatramo da postojeće normativno rješenje predstavlja uravnotežen pristup koji, s jedne strane, pruža studentima razumne olakšice i fleksibilnost u okviru statusnih situacija, a s druge strane čuva akademske standarde, jednakost postupanja i kvalitet studijskih programa, kako je to predviđeno Statutom i Pravilima studiranja.

S poštovanjem,

20 **REKTOR**

Prof. dr. Tarik Zaimović



Dostaviti:

- Ministarstvu za nauku, visoko obrazovanje i mlade KS
- Skupštini KS
- Generalnom sekretaru
- ☒ Službi za nastavu i studentska pitanja
- a/a

Akt obradio: Faruk Dević, BA iur. 

Akt kontrolisala: prof. dr. Dženana Husremović, prorektorica za nastavu i studentska pitanja



Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

UNIVERZITET U SARAJEVU		
Org. jedinica	Proj. akta	Datum
0101-	664 / 26	11-01-2026

Broj: 27/03-04-58637-24.1/25
Sarajevo, 19.01.2026. godine

UNIVERZITET U SARAJEVU
Sarajevo, Obala Kulina bana 7/II

PREDMET: Zastupnička inicijativa - Izjašnjenje, *traži se*

Poštovani,

Ministarstvo za nauku, visoko obrazovanje i mlade Kantona Sarajevo zaprimilo je zastupničku inicijativu koju je zastupnica Mersiha Mehmedagić uputila na 28. radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“.

Zastupnička inicijativa se odnosi na „razmatranje opravdanosti izmjene Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu u vezi sa ukidanjem vremenskog ograničenja za priznavanje ostvarenih bodova i izvršenih obaveza iz člana 56. Pravila“, koju vam u prilogu ovog akta dostavljamo.

Molimo da Ministarstvu za nauku, visoko obrazovanje i mlade dostavite mišljenje/izjašnjenje o podnesenoj inicijativi u što kraćem vremenskom periodu.

S poštovanjem,



Dostaviti:

- Naslovu,
- a/a.



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Broj: 01-04-58637-24/25
Sarajevo, 31.12.2025. godine

MINISTARSTVO ZA NAUKU, VISOKO OBRAZOVANJE I MLADE KANTONA SARAJEVO

-UNIVERZITET U SARAJEVU
Ul. Obala Kulina bana 7/II

-SENAT UNIVERZITETA U SARAJEVU
Ul. Obala Kulina bana 7/II

PREDMET: Zastupnička inicijativa, dostavlja se –

Zastupnica Mersiha Mehmedagić u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 28. radnoj sjednici Skupštine Kantona Sarajevo, održanoj dana 29.12.2025. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Dženita Džebović
Kontrolisala: Aida Zeković



**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

CO:

- sekretar SKS
- sekretar Vlade



BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO

MINISTARSTVO ZA NAUKU, VISOKO OBRAZOVANJE I MLADE
UNIVERZITET U SARAJEVU
SENAT UNIVERZITETA U SARAJEVU

PREDMET: ZASTUPNIČKA INICIJATIVA

Na osnovu članova 106. i 212. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosim zastupničku inicijativu Senatu Univerziteta u Sarajevu putem Ministarstvu za nauku, visoko obrazovanje i mlade:

Da razmotri opravdanost izmjene propisa "Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu" (Odluka Senata broj 01-15-24/23 od 27.09.2023. godine) ukinе vremensko ograničenje za priznavanje ostvarenih bodova i uredno izvršenih obaveza u članu 56. (Prelazak u narednu studijsku godinu) do sticanja uslova za upis naredne akademske godine, odnosno do promjene nastavnog plana za predmetni ispit.

OBRAZLOŽENJE:

Prema članu 56. stav (5) Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu "Studentu koji obnavlja godinu, odnosno koji je prenio ispit u narednu studijsku godinu priznaju se ostvareni bodovi i uredno izvršene obaveze i to u trajanju od jedne akademske godine".

Nakon proteka navedenog roka student mora ponovo polagati ispit, parcijalu ili kolokvij što značajno utiče na povećanje prosječnog vremena studiranja, ali i same troškove studiranja, posebno za studente izvan Kantona Sarajevo. Ukidanje definisanog vremenskog ograničenja osiguralo bi pravedniji sistem priznavanja ostvarenih rezultata i veću mogućnost studentima da uspješno završe preostale ispitne obaveze i ostvare pravo na prelazak u višu studijsku godinu.

Mersiha Mehmedagić, zastupnica, s.r.

Sarajevo, 29.12.2025.godine